

光緒山西通志

列女錄二十三 錄三之三三 山西通志弟百八十四

賜進士出身頭品戴兵部侍郎兼都察院右副都御史巡撫山西提督軍務臣張爾拳

旨監修

賢淑 附節孝補遺

歷代

義媼河東人義縱姊也以醫幸王太后問有子兄弟爲官者  
平日有弟無行不可太后乃告上拜義媼弟縱爲中郎補上  
黨郡中令歷河南都尉南陽定襄太守以鷹擊毛擘爲治後

徙右內史以廢格沮事棄市

夏縣

鮑宣妻桓氏女字少君宣嘗就少君父學父奇其清苦妻以  
女裝送貲賄甚盛宣不悅謂妻曰少君生富驕習美飾而吾  
實貧賤不可當禮妻曰大人以先生修德守約故使賤妾侍

執巾櫛既奉承君子惟命是從宣笑曰能如是是吾志也妻乃悉歸侍御服飾更著短布裳與宣共挽鹿車歸鄉里拜姑禮畢提甕出汲修行婦道鄉邦稱之宣哀帝時官至司隸校尉子永建武初爲魯郡太守永子昱從容問少君曰太夫人宿復識挽鹿車時不曰先姑有言存不忘亡安不忘危吾焉敢忘乎

長子

右漢二人

王霸妻廣武人霸少立高節光武連徵不仕妻亦美志行初霸與同郡令狐子伯爲友後子伯爲楚相其子爲郡功曹子伯乃令子奉書於霸車馬服從雍容如也霸予時方耕於野聞賓至投耒而歸見令狐子沮怍不能仰視霸目之有愧容客去而久臥不起妻怪問其故始不肯告妻請罪而後言曰

吾與子伯素不相若向見其子容服甚光舉措自適而我兒曹蓬髮歷齒未知禮則見客而有慚色父子恩深不覺自失耳妻曰君少修清節不顧榮祿今子伯之貴孰與君之高奈何忘宿志而慚兒女子乎孺屈起而笑曰有是哉遂共終身

隱避

州代

樂羊子妻樂羊子從學七年不反妻躬勤養姑嘗有他舍雞謬入園中姑盜殺而食之妻對雞不食而泣姑怪問其故妻曰自傷居貧姑食他肉姑竟棄之也

安世

右後漢二人

阮氏許允妻阮衛尉女奇醜交禮竟允無復入理家人深以爲憂會允有客至婦令婢視之還答曰桓耶桓耶者桓範也婦云無憂桓必勸人桓果語許曰阮家旣嫁醜女與卿故當

有意卿宜察之許便回入內既見婦卽欲出婦料其此出無復入理便捉裾停之許因謂曰婦有四德卿其有幾婦曰新婦所乏惟容耳然士有百行君其有幾許曰皆備婦曰夫百行以德爲首君好色不好德何謂皆備允有慚色遂相敬重允爲吏部郎多周其鄉里魏明帝遣虎賁收之其婦出誠允曰明主可以理奪難以情求既至允以實對釋之初允被收舉家號哭阮自若曰勿憂尋還作粟粥待頃之允至後爲司馬師所殺門生走入告其婦婦正在機中神色不變曰早知爾爾門人欲藏其兒婦曰無預諸兒事阮徙居墓所師遣鍾會看之若才流及父當收之兒以咨母母曰汝等雖佳才具不多率胸懷與語便無所憂不須極哀會止便止又可少問朝事兒從之會以狀對卒免

陽曲

張氏字昌蒲太原茲氏人太傅定陵成侯鍾繇之夫人也世長吏二千石夫人少喪父母充成侯家修身正行非禮不動爲上下所稱述貴妾孫氏攝嫡專家心害其賢數譏毀無所不至孫氏辨博有智巧言足以飾非成過然竟不能傷也及妊娠愈更嫉妬乃置藥食中夫人中食覺而吐之暝眩者數日或曰何以不向公言之答曰嫡庶相害破家危國古今以爲鑒誠假如公不信我衆誰能明其事彼以心度我謂我必言固將先我事由彼發顧不快耶遂稱疾不見孫氏果謂成侯曰妾欲其得男故飲以得男之藥反謂毒之成侯曰得男藥佳事聞於食中與人非人情也遂訊侍者具服孫氏由是得罪出成侯問夫人何不言夫人言其故成侯大驚以此益賢之黃初六年生會恩寵愈隆成侯既出孫氏更納正嫡賈

氏陽

右魏二人

鍾氏王渾妻字揆潁川人魏太傅繇曾孫也父徵黃門郎揆數歲能屬文及長聰慧宏雅博覽記籍美容止善嘯詠禮儀法度爲中表所則揆女亦有淑才爲求賢夫時有兵家子甚俊揆子濟欲與之白揆揆曰要令我見之濟令此兵與羣小雜處揆自幃中察之旣而謂濟曰緋衣者非汝所拔乎濟曰是揆曰此人才足拔萃然地寒霜不足展其器用不可與婚遂止其人數年果亡揆明鑒遠識皆此類也

祁縣下同

郝氏王汝南湛婦汝南少無婚自求郝普女司空以其癡會無婚處任其意便許之旣婚果有令姿淑德生東海遂爲王氏母儀或問汝南何以知之曰嘗見井上取水舉動容止不

失常未嘗忤觀以此知之

衛氏太保瓘之女也初瓘爲司空帳下督榮晦有罪瓘斥遣之及楚王瑋矯詔殺瓘晦隨兵瓘子孫皆及禍瑋誅瓘女與閭鄉侯國臣書曰先王名謚未顯無異凡人每怪一國蔑然無言春秋之失其咎安在悲憤感慨故以示意於是太保主簿劉繇等執黃旗擲登聞鼓上言乃族誅晦諡瓘曰成

安邑下同

衛夫人名鏐字茂倚廷尉辰之女弟也汝陰太守李矩妻學書於鍾繇王逸少師之

郭氏璞女亦善地理初吳興郡城秦時爲下菰城又爲項王故城璞欲移郡東遷度地立標輒爲飛鳥銜去會女亦啟無徙因舊址損益可承無殘破之慮璞從之遂定於今處女號遷城小娘從璞廟祀見宋人碑記

聞喜



右晉五人

靳康女者不知何許人也美姿容有志操劉曜之誅靳氏將納靳女爲妻靳曰陛下旣滅其父母兄弟復何用妾爲妾聞逆人之誅也尙汗宮伐樹而况其子女乎因號泣請死曜哀之免康一子臨汾

右前趙一人

王氏辛少雍妻有德義少雍與從弟懷仁兄弟同居懷仁等事之甚謹閉門禮讓人無間言士大夫以此稱美太原

辛氏荊州刺史裴他妻北齊中書舍人讓之母明婦則嫺禮度他喪讓之年十六不勝哀泣撫之曰棄我滅性得爲孝子乎六子皆幼廣延師友或親自教授讓之誨之諭之訥之謀之諷之俱著才名成顯官內外戚屬有吉凶禮制咸取則焉

下同

夏侯氏裴叔寶妻道遷姨也性甚剛峻如嚴君子植屣瑜案  
衍非衣帽不見小有罪過必束帶伏門經三五日乃引見之  
督以嚴訓年踰七十以身爲婢手執箕帚於沙門寺埽灑遂  
出家爲比丘入嵩高積歲乃還家

右北魏三人

高氏齊神武女歸司馬消難消難在鄴極加敬禮入關便相  
棄薄及赴州氏及三子在京氏言於文帝曰榮陽公攜寵自  
隨必不顧妻子願防虛之及消難入陳母子獲免齊應

閻氏宇文護母報護書曰吾共汝在壽陽住時汝叔母賀拔  
兒元寶救母紇干兒菩提及汝姑兒賀蘭盛洛并汝身四人  
同學博士姓成爲人嚴惡汝等四人謀欲加害吾共汝叔母

等聞知各捉其兒打之唯盛洛無母獨不被打其後爾朱天  
柱亡嶺蜀拔阿斗泥在關遣人迎家累時汝叔亦遣奴來富  
迎汝及盛洛等汝時著緋綾袍銀裝帶盛洛著紫織成纈通  
身袍黃綾裏並乘羸同去盛洛小於汝汝等三人並呼吾作  
阿摩敦如此之事當分明記之耳今又寄汝小時所著綿袍  
表一領至宜檢看知吾今悲戚多歷年祀護得書悲泣及齊  
送母至武帝爲之大赦天下資奉華盛榮貴至極

歸化城

右北周二人

魏氏裴朔妻柔明有文義孫子野生而母殷氏亡氏鞠養以  
章句授之于野後爲通儒

喜聞

關氏柳世隆妻世隆爲孔道存所敗衆散逃隱道存購之急  
軍人有貌相似者斬送之時關氏與世隆母郭氏並繫襄陽

獄道存以首示之郭氏見首悲情小歇而閻氏號叫方甚竊謂郭曰今見不悲爲人所覺惟當大慟以滅之世隆竟免

右南朝宋二人

魏氏王神念妻僧辨之母也性安和善於綏接家門內外莫不懷之梁元帝遣僧辨伐襄陽以待部曲下獄魏流涕徒行將入謝罪元帝不與相見時貞惠世子有寵魏詣閣自陳無訓誨流涕鳴咽衆並矜之僧辨免罪魏深相賁勵辭色俱嚴僧辨雖克復建鄴功蓋宇宙魏恒自謙損不以富貴驕物朝野稱之謂爲明哲婦人及卒命侍中謁者監護喪事諡曰貞敬太夫人靈柩將歸建鄴又遣謁者至再弔祭

右南朝梁一人

陸讓母馮氏者上黨人性仁愛有母儀讓其孳子也開皇末

爲藩州刺史數有聚斂贓貨狼籍爲司馬所察案獲得實將  
就刑馮氏蓬頭垢面詣朝堂數讓卒於是流涕鳴咽親持盃  
粥勸讓食旣而上表求哀辭情甚切帝愍然爲之改容獻皇  
后甚奇其意致請於上書侍御史柳彧進曰馮氏母德之至  
有感行路如或戮之何以爲勸上於是集京城士庶於朱雀  
門遣舍人宣詔曰馮氏以嫡母之德足爲世範慈愛之道義  
感人神特宜矜免用獎風俗議可減死除名復下詔褒美之  
賜物五百段集命婦與馮相識以旌寵異長治

王隆妻文中子通之母通卒藏其書於箴笥東西南北未嘗  
離身唐武德四年返於故居乃以書授通弟凝馮河

右隋二人

盧氏婦狄梁公姨也梁公爲相姨居於午橋南別墅有一子

梁公曰某今爲相表弟有何所欲願悉圖之姨曰老身止有此子不欲其事女主梁公大慚而退

曲陽

李氏王珪母有知人之鑑謂珪曰我看汝富貴但不知所與者何如耳一日房喬杜如晦造珪氏窺見大驚收具酒食盡歡旣去謂珪曰二公皆公輔器子必與之俱貴後卒如其言

太原

下同

王氏太原人永福潘令之妻也隨夫卒永福任滿祖倭留連王先解舟泊五里汰王灘下俟久不至月夜登岸題詩壁曰何事潘郎戀別筵歡情未斷妾心懸汰王灘下相思處猿叫空山月滿船末畧太原族望歲久詩漫滅獨太原二字入石邑人因以名其灘

林氏濟南人隰城丞薛元曖妻也元曖早卒林博涉五經有

母儀令德訓其子彥國彥輔彥偉彥雲及姪據總播並登進

士第衣冠榮之

榮河下同

韋氏京兆人吏部侍郎溫女適汾陰薛蒙工屬文績曹大家女訓行於世

張延賞夫人苗氏宰相苗晉卿女延賞累代台鉉爲女擇婿莫有入其意者夫人有助鑑特選韋舉以爲必貴既就婚舉性度商曠不拘小節延賞悔之至不齒禮一門婢僕所見輕侮夫人待之常厚而抱不平舉妻泣曰韋郎七尺軀學兼文武豈有沈滯於茲爲尊卑見請而虛擲光陰乎舉乃辭去後權隴有軍事德宗幸奉天西面之功獨居其上舉旋自金吾持節西川以代延賞詭名韓翱去城三十里有報延賞者曰代相公韋舉非韓翱也夫人曰是必韋郎延賞笑曰天下同

姓名者何限彼韋生應已委棄溝壑安能乘吾位乎夫人曰  
韋郎雖貧賤氣凌霄漢以不屈媚相公因而見尤成事立功  
必此人也次早入州延賞曼媿曰吾不識人遂潛去舉待夫  
人過於市素時氏

李氏邯鄲人李嚴女潞州幕張谷納爲侍人號新聲當劉從  
諫潛圖窺晉新聲諫谷曰始天子以從諫爲節度非有野戰  
攻城之功直以其父學齊十二州還天子去就間未能奪其  
嗣耳自百潞澤未間以一縷一蹄爲天子壽左右皆無賴章  
武制數鎮頭覆皆雄才傑器尙不能固天子恩況從諫擢自  
兒女子手中不以法得亦宜以不法終君爵脫族西去大丈  
夫勿顧一飯恩以骨肉腥髓兒食言訖悲涕谷不決者三月  
恐言洩益之未幾劉稹拒命其下王協等殺稹及谷並夷其



族長帝  
下同

徐氏澤潞將張恁女封高平郡夫人任鎮泗州病故軍吏欲立任子重政爲郡將徐氏號泣固拒不從德宗詔褒之進封魯國夫人

韓氏僕射皋女歸兵部尙書柳公綽善訓子子仲郢幼卽嗜

學常和熊膽丸使夜咀嚼以助勤學

柳氏絳州龍門人薛仁貴妻也仁貴少以田爲業將改葬其先柳氏曰夫有高世之材要須遇時乃發今天子自征高麗求猛將此難待之時君盍圖功名以自顯富貴還鄉葬未晚也仁貴乃往應募後爲名將河

裴氏字淑英李德武妻安邑公矩之女以孝聞宗黨德武在隋坐從父全才事徙嶺南時嫁方踰歲矩奏離婚德武謂淑

英曰我方既無還理君必僂他族於此長訣矣淑英泣曰夫天也可背乎願死無他欲割耳誓保姆持不許夫姻媾在都者歲時朔望裴致禮惟謹居不御膏澤嘗讀列女傳見述不更嫁者謂人曰不踐二庭婦人常禮何異而敢之誓後十餘年鍾決嫁之潛許柳直期已定淑英聞之斷髮不見矩乃止德武已於嶺南娶爾朱氏遇赦還道聞其完節乃追爾朱與裴完案如初問

右唐十一人

李氏殿中丞孫復妻相國李迪之姪女也迪守克見復樂道安貧五十不娶以弟女妻之李歸後甘淡薄事夫盡禮有荆釵布裙風臨

蒲芝河東張愈妻賢而有文愈卒芝爲誄曰高視往古哲士

實殷施及秦漢餘烈氛氳挺生英傑卓爾逸羣孰謂今世亦  
有其人其人伊何白雲隱君嘗曰丈夫趨世不偶仕非其志  
祿不可苟營營末途非吾所守吾生有涯少寶多艱窮亦自  
固困亦不顛不貴人爵知命樂天脫簪散髮眠雲聽泉有峰  
千仞有溪數曲廣成遺趾吳興高躅疏石通逕依林架屋塵  
鹿同羣晝遊夜息嶺月破雲秋霖洒竹清意何窮真心自得  
放言遺慮何榮何辱孟春感疾閉戶不出豈期遂往英標永  
隔抒詞哽噎揮涕汎瀾人誰無死惜乎材賢已矣吾人嗚呼

哀哉

永濟

劉氏平遙侯延廣乳母延廣初在襁褓中遭王景崇之難劉  
氏以己子代延廣死而抱持延廣行丐至汴還其祖益人尤  
義之

平遙

韓氏郝巖妻巖篤行苦節隱居不仕有語氏使勸之氏曰吾不德無以助君子敢強所不願以累其高哉

承甯州

祝氏舉父林繼妻父林僑觀成前妻子士安少好學祝曰學必求良師乃與如宋又如鄭士安得楊璞韓丕劉錫爲友因僑鄭州舉進士知乾州以祝氏老願降任就養改監汝州稍出移後官至同平章事

大

侯氏二程子母也封上谷郡君幼聰悟過人好讀史書而不爲詞章見世之婦女以文章書劄傳於人者深以爲非父丹徒君愛之過於子以政事問之雅合其意年十九歸河南程大中相敬如賓雖小事必稟命大中凡有怒多爲寬解惟諸兒有過則不掩也二程纔數歲行而踏必將責之曰汝若安徐甯至踏耶常食絮羹亦呵止曰幼求稱欲長當何如雖使

令輩不得以惡言加之故程氏兄弟平生於飲食衣服無所  
擇不以語言及人愛亦教之使然也

孟

馬氏趙甯妻十四世同居勅封配德夫人

保菴

樊氏左僕射趙鼎母鼎生四歲而孤樊教以經史登進士仕  
至左僕射同平章事爲南渡名相

喜

右宋八人

陳氏邢簡妻營州人父陞五代時累官司徒陳甫并涉通經  
義覽詩賦輒能誦尤好吟詠時以女秀才名之年二十歸簡  
孝舅姑閨門和睦親黨推重有六子陳親教以經後二子抱  
撲抱質皆以賢位宰相統和十二年卒睿聖皇后聞之嗟悼  
贈魯國夫人刻石表其行及遷祔遣使祭諭者謂貞靜柔順  
婦道母儀始終無歉

州

右邊一人

趙氏雁門人金進士趙泰女姚居實妻元初居實避兵雁門  
泰以女妻之生天福後拜監察御史戒之曰古稱委質爲臣  
當公爾忘私以塞其職勿以未亡人爲卹仲吾追蹤陵母也  
天福泣謝請於憲府曰御史實當言路有犯無隱萬一得譴  
乞不爲老母累或以聞世祖歎曰天福母子雖生今之世其  
義烈之言當於古人中求之勅侍臣董文通宣付史臣書之

稷山  
下同

楊氏修武人祖懷仁丞適姚天福拜監察御史劾奏省臣阿  
台馬不法事二十有四會駕幸上都阿台馬縛天福欲害之  
索其家得糧米數升楊氏詣臺言權臣奸殺御史臺臣不知  
憲綱何在衆駭愕悉察案詣臺上書天福得出繼爲江南湖

北道按察使劾鄂省平章阿里海牙罪其人齎金銀器以遺楊楊召憲史至家命以所賄器詣憲司曰吾夫劾平章何以是賄我會天福以來朝見歎曰豈惟汝廉若妻亦廉矣

馬氏中郎牛敦妻天姿柔和淑慎孝舅姑篤親族其夫賴之內外以賢德稱隴西李楫作文誌之

垣曲

右元三人

王氏張丞相妻少師恭襄公妹少聰慧暗讀書及笄適丞相恂恂絕類貧家女未抱子勸相納妾韓氏生子多疾王親撫之五歲尙口哺及丞相卒延師教之王熟於尙書每口授以廣其業脫簪珥爲市書御史魏希相撰文以頌其賢

太原下同

李氏推官韓彰之繼妻彰先娶張生子紹繼娶生子紘氏慈惠遇紹有恩凡衣服飲食常加於紘紘見愠氏此日而有母

彼無母而欲使我作蘆絮婦耶繼母之賢古今罕儼後紘登  
甲第兩典州郡咸謂母氏之報云

李氏李君瑛之姑適呂某君瑛父巨富而君瑛驕縱蕩其產  
幾盡父將死密出二千金付其姑曰子不肖後當死溝中汝  
持此去子改行付之不改則與物勿爲他人所誘蕩也姑泣  
而受之密藏於近村樹下不令其夫與子知君瑛父死益落  
魄姑數馴之以語激者再君瑛愧悔交并姑見其意誠乃曰  
隨我來至樹下發得金曰此爾父終時所賜濟爾命者也君  
瑛感泣厭其半姑曰我欲有之則全有矣奚以半爲亟持去  
君瑛歸自刻厲復致富姑死爲成服

與縣

李氏周嘉士妻明季盜起夫臥病賊至婦曰夫婦願同死賊

義之相戒勿犯城

與城



令狐氏陝西巡撫喬應甲子拱秀妻也崇禎初應甲卒拱秀  
偕妻被逮胥吏迫就道手推令狐拂其指氏憤然作色曰吾  
指豈為賊吏所污耶遽引刀斷之人咸為之咋舌下同

施氏張蘭繼妻歸蘭時前于時亨未歲後氏生子泰與亨俱  
患痘甚危氏焚香祝天願斃泰存亨二子胥無恙衣服飲食  
亨視泰有加且不令泰知亨事母亦以孝稱

王氏鎮國將軍朱詮銖繼妻義門端之女贈光祿卿佐之妹  
也七歲失恃于歸後相鎮國敬以承志儉以治家嘗以不及  
事以姑為恨當祭祀喪喪如也撫前夫人女不啻所生及鎮  
國卒終身御縞素絕慶弔不禮賓不精食更嚴於內範子婦  
謁見先教以孝弟經史次之若有女範十篇傳誦於世下同  
毛氏李紀妻紀守臨洮時何驛丞子景明方十歲紀夫婦大

奇之育於室紀執詩書毛執鐙燭晝夜課景明讀愛撫逾已  
子後景明登第官副使爲有明一代詩人之冠

義媼贈光祿任環僕婦也環守太倉統兵禦倭寇出海上寇  
乘間攻城急內人約投井死媼請先體肥塞井口不能上下  
環至圍解門內人符圍井泣因敢出媼眷屬得生

朱氏兵部尙書程正己妻賦性端方于歸後操井臼勤紡績  
克供婦職正己弱冠成進士任顯要氏略無貴倨容正己忤  
璫禍且不測氏曰與楊左諸君同難又何愧也正己抱疾五  
年侍養甚至及遭喪幾不欲生稱未亡人者三十載婦儀母  
德爲時推重翰林李中白銘其墓

霍夫人張忠烈公銓妻也銓家貧莊爲沁水巨鎮先是銓父  
兵部尙書五典以流寇縱橫所築堡牆甚堅賊犯寶莊時五

典已前卒銓子道潛道澤又官京師寇將至眾議棄堡去夫  
人曰避賊而出家將不保出而遇賊身將不保等死耳死於  
野何若死於家且我據堡以逸待勞誠守禦有方賊雖眾其  
如我何乃躬率僮僕誓堅守寇至環攻勢益急而堡中守禦  
具胥備矢石並發寇負傷滋眾越四日訖不克退而退其遠  
夫人言出避山谷間者率遇寇淫殺尤慘惟張氏宗族得全  
冀南兵備道王肇生表其堡曰夫人城

水

郭氏檢討王邵妻流賊王嘉允之亂邵同州人死守氏脫簪

珥佐軍

州保德

蔣芳母夏縣人芳爲吉安知府母自奉甚約日蔬食芳日所  
治事暮必告母有不當輒教誡之芳受命惟謹由是爲良吏

真縣

下同

毛氏太學生馬楫繼妻年十八適楫明年遭家難罹禍幾不測比辨釋入太學凡二十餘年毛撫前子珂如已出織紵資讀家聲不墜胥氏之力云

賈氏貢生張助妻迺撫張守中祖母也幼聰慧通經史能詩左右手皆善書尤工行草于歸後事舅姑盡道諧妯娌睦宗姻恩禮育至助偉丰儀言笑不苟盛暑衣冠必肅氏終身相敬如賓勸處鄉井好施濟析居以祖產讓昆弟氏佐成之助勤於學貧不能購書氏代爲鈔錄講經論道雖經生不能及助三中副車齋志以沒孫守中方五歲氏口授經書謂子九疇曰而兄弟莫能繼而父志亢吾宗者其是兒乎後果登巍科著顯績爲一時名臣胥氏教也

薛氏楊希賢妻希賢被誣殺人當死氏赴關擊登聞鼓自刎

賴救得蘇有詔覆治寃竟白

山稷

高氏盧養蒙妻家絳縣崇禎丙子盜起氏攜女避難至翼城之南道棄一孩啼泣熟視之乃從子高榜也問其父於途人咸謂遇賊死氏聞涕泣並負以行去里許力不能支輾轉篋盡曰吾兄止此一子棄之便絕高祀甯我無女不可父母無後於是棄女攜姪去暨賊退高興姪歸其兄竟未死先在途中得遇高氏女而負歸矣一時傳爲美談踰年高生子奎觀後爲諸生

縣釋

右明十七人

國朝

徐氏裴挺妻翁沒後挺兄弟皆外出嫂亦別居氏以事姑爲任已而兄嫂繼逝姑感疾臥牀日夜勤女紅以資事育及姑

卒挺搦子並出父子俱客死塞外有姪三歲而孤賴氏撫之

長以延宗祀

陽曲下同

劉氏知府馮思忠妻事姑甚謹姑沒遺幼子思賢甫兩月自乳哺而令已子就乳於外初思忠患奇疾妾充氏潛割股肉和藥以進值盛夏剝口腐臭劉覺急醫之爲感泣待充甚厚及思忠卒充矢貞相依年三十四卒

梁氏蕭全妻年二十三全出外久絕音耗家貧無子氏資鍼劑養孀姑繼聞夫客死於外暗泣不敢告姑知姑沒嚮衣質地而葬又馬殿妻王氏夫遠出不歸獨居五十餘年卒年七十六盧芳妻阮氏甫成婚芳卽遁去爲僧亦貞守踰五十年卒年六十八事翁姑並有婦儀爲鄉里推重

彭氏楊國孝妻年百有二歲親見元孫康熙中旌子芳聲諸

生其妻任氏亦壽躋百齡兼以節著

郭氏范全智妻于歸未一月全智外出二十餘年無音問氏

勤鍼黹紡績以奉姑已或日不再食而姑之甘行無缺原

張氏趙魁妻順事舅姑生一女魁貿易遠出久無音問子居

五十餘年紡織度日以終論次

趙氏張南星妻南星有寡嫂以冤死官不爲直以誣告反罪

南星氏泣訴大府以死爭覆驗得實爲誅怨家而出南星於

獄一時義之

王氏郭太甯妻父心中與翁爲至交預訂婚姻及太甯生氏

年已十餘歲父踐前盟竟許字焉未幾翁姑染疾皆逝旣免

喪以太甯幼孤無依遂成禮歸之氏已踰笄太甯纔扶牀也

而賦性賢淑夙夜敬戒以助夫成立太甯感其德終其身以

姊稱之一時傳爲美談云

武氏要三妻歸三歲餘生有子而三違出久不歸子甫免乳而寡舅姑衰老悽然朝夕望三氏以婦代子職菽水承歡歷二十餘年舅姑沒子身獨處無敢窺其室者一日聞叩門聲則三還也髮已盡白囊空羞澁而氏絕無譎言敬事終身

胡氏張爾弓妻年躋百歲以貞傳旌

太谷

李氏渠秉義妻生平樂善好施年一百有三歲

祁縣

劉氏歲貢寶潔繼妻母家貧而無嗣積針黹資爲置木主祭田擇族之賢者付託之事姑色養備至居恒恤孤憐貧喜讀列女傳諸書稱說節義里黨婦女翠宗之

臨汾下同

李氏郭愁卜妻夫愚蠢不別菽麥氏奉翁姑克代子職從無愠色族黨盛稱之



郭氏韓逢春妻家少裕好施給道咸間歲屢歉里黨有向其糴米者每不取值或暗置錢米中不令其人知遇安貧守正者輒貸資本令營生從無德色

劉氏張法妻家貧夫賈他方事孀姑至孝撫孤姪恩義備至嘉慶間歲大饑婦瘵藜剝榆皮以資事育訓二子並爲諸生齊氏溫習敬妻年十六字溫未嫁溫適以事遠出數年無耗氏念姑老多疾請於父母登堂拜姑遂留奉養歷三十年溫自外歸始成夫婦禮焉

景氏劉廷明妻結縵後廷明南遊三十餘年不返奉養姑孀終無怨言聞廷明死爲立闕撫之年五十八卒

王氏張兆琮妻孝事孀姑處妯娌無間言家計拮据輒典衣物以給飲食光緒大禱餓斃同時張家妻景氏李步蟾妻

侯氏陳清妻景氏得食輒先奉姑與夫食之忍餓而死

李氏名晉英諸生樊錦章繼妻也性聰慧能詩工畫兼通陰陽占卜之書

趙氏序班劉承鼎妻工詩著有倡隨集又侍郎劉秉恬繼妻  
馮氏思慧字睿之秀水人著有綉餘吟荆宜施道劉師陸繼  
妻黃氏友琴字美心宛平人著有南濱存稿皆行世其後有  
任氏可憎東昌人歲貢景世英繼妻節婦馮氏琬琳代州人  
中書董文燦繼妻並工吟詠

世嗣

閻氏副貢董璋之母孀居數十載勤儉治家義方教子鄉鄰  
有貧乏者寒冬給以薪米所居焦村有至聖祠村人議增修  
艱於財氏立檢紡績所積費六十金爲倡並設社學人皆賢

之太平

下同

家氏丁健妻性慈惠健故好施乾隆己卯糴米振饑氏脫簪珥助之健卒益恢宏其志年七十子姪欲爲稱觴堅不許令以所應費資仍糴粟徧恤鄉里沒後人頌之不衰

孫氏趙熟則妻性淑慎孝事翁姑和處如婢夫夙遭狂易之疾氏安之無怨言夫沒泣不輟日爲之盲然猶服勞勤事不曠婦職爲夫立嗣亦不永年撫諸孫成立年五十三卒

蘇氏進士到費母姑衛病癩朝夕奉侍几櫛沐廁膾悉躬親家人無能代歷十餘年見者竟忘其姑之疾也及費登第率以爲賢孝之報

劉氏李錫境祖母家中費氏紡織佐之稍裕則務施濟乾隆己卯出粟賑濟鄉鄰乙酉又饑復賑如前里人勒石志德同時婦李聚瑞妻郭氏州同谷奇觀妻張氏均以賑饑著

所居村並有碑記

祁氏王紀妻年八十子德和德玉欲稱觴爲壽氏曰吾家素貧其敢以少裕筵事奢侈乎且今歲饑鄰里日不舉炊者甚衆與爲妄費何若移以賑之乃發穀百餘石分給鄉人其後有孀婦李氏者貢生傅之瑰妻素好施乾隆辛亥歲歉亦輟壽筵踵行之曲沃下同

郭氏王典妻典卒安貧守貞知書史好談節孝往事乾隆中邑人以縣本晉故都倡建蟋蟀堂識信侯遺蹟度其地爲氏業已質人間之欣然曰此彰千古美德也何幸在我地遂贖其券以歸公衆憐其貧予以值則曰奈何以愚婦何我因不受

秦氏原正祥妻歸踰年祥以家貧出外歷三十年無耗翁姑

垂老無子女及旁親氏竭力操作以供晨昏翁沒事姑尤謹而正祥終不反撫從子爲嗣以終云

周氏州同邊思德繼妻思德感奇疾醫窮於術氏聞指血可療遂斷指瀝血入藥病遂愈

薛氏王純義繼妻捨逆之變所居上官村被掠村人多匿地室有媚賊者謂婦知洞口拷掠至死終不告

陳氏何其灑妻嫁未盈月其灑服賈西秦遭回變音問曠絕傳言已死父母憐其少勸改適氏矢志靡他斷歸省者數年後因父病歸割股肉和藥進愈之撫育二姪甚有恩義

上官氏郭天章妻歸郭生有子女而郭服賈外出四十餘年乏音耗氏孤苦無依以紡織餬口子女婚嫁皆資十指年七

十卒

仇氏監生衛碩曾妻幼嫻姆訓好讀書暗記甚富能爲古近體詩鍼黹極精且善繪事閨秀從學者甚多碩曾沒勵節事姑三十餘年姑沒葬祭如禮皆出自十指晚歲尤善醫小兒鍼砭應手效年七十六卒

陳氏樊嘉樂妻丁丑饑度夫婦不能並存趣嘉樂外出而自扇戶待斃逾年嘉樂歸斷鋏入室尸覆被僵與盜餘粟塵封如故蓋守粟甘死留有餘以備夫用也聞者哀之

王氏待詔邊聞賢繼妻事姑有孝稱姑沒夫適病氏佐治喪竭哀盡禮未幾夫病不起氏痛欲身殉因勸而止然自是緘口枯坐如有所失未逾月亦卒

柴氏王德懋妻素性淡泊孀居後自奉尤儉然施濟無吝道光丙午饑出所積穀百餘石散給同里不足益以糶其後有

楊向榮妻常氏柴繼承妻李氏鞏錫榮繼妻鄭氏並以賑饑  
爲鄉里稱頌

張氏賀乾年妻乾年生而閻氏終身敬之不衰有鄰人稍涉  
非禮氏持剪自毀自此服親諸人無一得見其面者幽貞之  
操人無間言節

孫氏王培桓妻中年喪夫奉舅姑得歡心課子姪讀不惜典  
衣購書兒有拾鏹者歸以白氏斥爲不祥戒勿動覓者至立  
避之其明大義若此榮河下同

姚氏潼關道尋鑿煒妾鑿煒夙有痰疾一日疾發忽暈絕氏  
默禱竈前乞以身代割左股投藥以進遂霍然年三十二卒  
李氏監生馬宛妾性柔順事嫡牛氏雍睦無忤牛遭疾李祝  
天求代疾篤李寤語人曰我死主母自愈也遂自縊牛聞之

一慟亦亡長治

馮氏貢生郭倬妻夫沒後康熙辛丑歲歉煮粥賑饑全活甚

衆

田氏姜衍祥妻在室有孝女稱及歸衍祥翁姑早逝依叔父  
母以居衍祥服買於外氏奉叔姑甚謹其後叔生有子既娶  
婦乃逐衍祥令別爨時衍祥以舊買失業別覓生計久不返  
家徒壁立氏績紡自給無怨色未幾叔姑以風痺臥牀日念  
氏至號泣自詈氏問疾輒捉襦不聽歸遂留身奉養衣不解  
帶者五六年情依依兩不忍離叔姑嘗語人非大婦吾決無  
生理矣及沒氏哭之痛竟以成疾尋卒游陽下同

朱氏張傑妻幼讀書嫻女教事翁姑及祖姑並得歡心傑買  
於外恒數年不返歸後又以疾廢氏艱苦備嘗教三子皆成



立

王氏魏官懋妻歸魏不五年而夫感狂疾氏防護甚至時遭  
毒楚無怨色一日夫忽滋事爲鄰村執控族人擯畀議乘機  
斃之氏哀泣以死爭力求保釋約束於家時其寒煖飲食得  
令終焉孀居取族子爲嗣訓之爲諸生

王氏朱新丑妻新丑以石工傭食岳陽父沒後其母改適朱  
圭則圭則素無行覲氏獨居屢挑之氏弗爲動且晉焉一日  
母僞爲初衣呼氏過其居氏入避閉扉下鍵去圭則驟起逼  
犯之氏大罵聲徹於外鄰人奔救得免夫歸以告乃誘圭則  
至病憊始釋歸母忿訴於官官鞫得實仍笞圭則而獎氏歸  
其開

魏氏大同同知魏某女也字廣靈劉令孫德溥後魏升任滇

南女隨去劉父子咸卒於署德誨以官逋繫固回魏問商姻  
事微自沮色女言於母曰業經許字貧富遠近命也何計焉  
况嘉其志趨母送廣靈完婚氏荆布自甘克修婦職雖在患  
難中夫婦敬禮如賓賢叔噴噴人口踰三載以產難逝閭邑  
悲悼氏讀書能詩有冰鑑閣閨中三十詠

張氏

張氏陳憲虞妻李氏晉煥妻夫沒後值乾隆己卯歲饑並罄  
資周其鄉里州守苗均表其門又劉大有妻趙氏嘗施腴田  
歲取其租以供生童試卷而王軾妻張氏以翰書院膏火四  
千金於道光中被旌

平定  
下同

張氏張鼎妻孝事翁姑夫有兄癡甚不辨穢潔飲食滯澀氏  
皆躬任之十數年未嘗稍形鄙夷也鄉黨稱之

賈氏趙文珠妻中年喪夫家貧甚有某商持券錢千緡往市

中途遺其券子莊檢得之歸以白氏卽令尋歸其人聞者嗟異

陳氏潘福壽妻未婚而福壽遠出數年無耗其母欲別爲擇壻商諸氏氏不可而知母意難回乃曰庚帖在彼恐事不諧不如向其家索口資如不允則索庚帖而返然須女親一行母許之乃往見姑袖出一裹皆婦飾也姑詫曰子意若何曰願爲兒改婦妝以終事姑姑並告諸族人卽日加髻其母尋來強之歸女矢志不移廢然返年餘福壽歸乃合卺焉

劉氏閻作試妻事姑孝姑沒遺二子俱幼氏恩勤鞠育相佐爲命見者不知其爲叔也又周至德妻楊氏字其姪無異已出侍姑疾亦以善贊聞

趙氏崔生星妻家貧力勤耕織以事其姑夫弟沒其妻方妊

而嫁探知生男促生星抱以歸輟已女乳哺之長其後子姪  
得化其行家庭雍睦迄六世不異居

王氏邊謐妻年十九適謐未盈月謐卽以謀食外出不通音  
耗者二十七年人傳爲已死勸之改適氏堅志不從舅以尋  
子故卒於歸化城氏竭力經營得以喪歸遂隻身紡織度口  
後謐自歸甦幾不可識氏晨夕扶持無怨言年五十竟舉  
一子人以爲賢婦之報縣令王表其門

陽

傅氏劉貴妻以年臻百歲被旌其後有武修妻鄭氏趙德隆  
妻李氏王萬年妻李氏鄭德妻楊氏鄭慶采妻王氏鄭建旌  
妻王氏鄭應采妻王氏傅郭邦妻郭氏侯學魁妻蓮氏均以  
貞壽旌門建坊

縣

周氏容姑字文儷舉人張應蛟母也父雍平陸教諭氏少從

受學工詩善琴且精繪事得者什襲藏之詩多散佚人僅傳

謝親友介壽一篇云

定襄

李氏秀山令馮鄰妻靜樂人損菴中丞之子婦也中丞撫湖南日有痰悶宿疾發幾殆藥不能進李禱於神急剖股投藥獲湯中以進湯渾渾異他日詰之曰橘紅耳飲之喉間頓利痰略出升許病漸瘳氏知書計嫺禮節初昏時從夫之湖南舟行溯大江天嚴寒每未明輒起秉燭盥漱正衣端坐問其故對曰風滿不測脫有虞豈可蓬首耶其明大義如此而剖股愈勇疾尤前未之聞

王氏上元人故宦裔生甫能言卽就父兄索解字義授以毛詩誦之琅琅無遺失其叔父世遵守毘陵偶感疾時有女仙降乩甚著靈異從之禱焉仙贈以詩云湘水清且深巫山望

河高春風吹江灘微波蕩桂舸中有彼美人顏色若瓊瑤高  
韻奏白雲清聲揚碧霄英皇共驂乘與子同遊遨後歸永豐  
知州馮郁爲繼妻

傅氏鄭秋發妻家貧無以餬口偶於道拾遺鏹三十金詢其  
人弗得暫藏諸家越兩月有弓姓者至其地言及失金事檢  
其封識悉合立與之弓欲以半酬弗受

縣

劉氏孫迎吉繼妻撫前子爵如已出盜逼芮城氏投井掠其  
子而去溺水兩日不濡遇救出痛哭求子卒得其音耗傾資

贖回

芮城下同

杜氏張汝民妻宗黨稱賢淑年登百歲康熙中旌又趙國盛  
妻邵氏亦於雍正中以百歲被旌建坊

周氏張逢吉妻有淑德鄉黨稱之壽百七歲雍正七年旌額

日貞壽

郭氏李維喬妻閩儀足式年登一百二歲雍正三年旌建貞

壽坊

河津

張氏管良民妻幼讀書識字孀居三十餘年茹荼蓄以紡績餬口留心醫術里中嬰兒病投以方輒效而不以為獵食之資年至八十鄉人憐其癯獨飲其貞惠勅石曰慈婆

稷山下同

王氏馬騰雲妻姑性嚴肅奉之維謹事孀嫂以敬夫卒後特焚券惠貧輸金建橋歲饑出粟賑其鄉里

張氏高希賢妻事翁姑以孝聞撫孤姪恩誼甚至夫有隱疾不能人道氏義命自安沒齒無怨言取族子為嗣愛如已出

年七十卒

蘭氏管昂發妻事祖翁姑包養備至夫弟某素不遜析居後

為其產已復喪妻所遺子女躬撫之訪知某落魄異鄉招之歸復與同爨當翁沒時以歲荒不克葬及姑乘世將合厝形家有言其地不利長房者氏毅然曰骨肉歸土吉執大焉烏有一氣所感而別分榮悴者乎其明大義如此

楊氏趙振桂妻幼喪母有三妹俱賴其撫育以成立及歸趙舅姑衰老家赤貧氏織紡以給奉養甚至課子尤勤時以方之古賢婦馮子應冬以諸生餼於庠

嚴氏劉文華妻丁丑歲祲氏度夫婦不能兩全自經死又程若彩妻張氏糧垂絕懼以細弱累夫偕其幼子自盡聞者悲之

義婦某氏嘗借鄰家驢乘以探親鄰遺其幼子牽送之中途遇狼婦擲懷中兒投地斥之曰爾得食速行勿傷鄰子令我



無顏對其親也狼熟視良久遂巡去鄰子返家後八日偶出竟死於狼

劉氏湯佑賢妻康熙中嘗兩次賑饑有田在馬牧時恤其佃農命其孫取積麥盡焚之年九十登堂祝者千餘輩羣立石頌德城地

右九十四人

國朝節孝補遺

車履福妻吳氏年十八而孀事祖姑極孝謹撫孤國棟成立守節三十餘年蒙旌太原下同

陳天詔妻侯氏崔其棹妻籍氏並早孀事姑以孝稱守節踰五十年

楊文苑妻梁氏守節四十餘年姑病顛曲盡孝養牛學止妻

楊氏張安統妻胡氏均守節踰四十年爲舅納妾力延宗祀  
楊應成妻武氏二十九歲夫亡宗人逼改適氏以死拒之撫  
二孤成立壽九十三

車咸妻郭氏二十七歲夫亡扃戶自縊家人救止之截髮置  
咸棺中以示靡他孝事舅姑先意承志蒙旌

李宗麒妻王氏孀居五十餘年家貧甚撫養四子辛苦備嘗  
年九十七乃卒

麻粉下同

趙悖德妻祁氏袁景壽妻王氏均以孀節著事姑極盡孝養  
監生高照林繼妻張氏事翁姑先意承志翁姑沒夫亦繼逝  
撫二子成立遇歲歉傾資賑濟

太平

甯鄉訓導趙廣揚妾閻氏孝義人淑慎不苟言笑奉嫡和順  
有禮廣揚卒年甫十八晝夜悲啼積痛成疾未幾遂沒鄉里

稱之岳

韓鴻儒妻常氏家素貧夫外出勤鍼藉以奉翁姑年二十八夫客死無子女而翁姑復繼沒氏竭蹶舉三喪積勞成廢疾尋卒鄉里哀之

曲沃下同

王爾璧繼妻席氏年十九適爾璧踰歲而寡子亦殤氏撤環瑱理家政井日躬操備極勤苦丁丑大禮令姪輩悉就食於豫餘婦孺獨力參養質器稱貸以濟舉家賴以保全

監生姚應麟妻暢氏及弟會麟妻郭氏以雙節旌又楊大燕

妻王氏咸豐中旌

永濟

韓從元妻衛氏葉萬祿妻李氏並以節著

庚鄉

靳立柱妻田氏頗通醫術姑病親爲調理借夫日侍湯藥感久不懈及卒終身服素後遭夫喪痛絕而蘇者數四殯葬肯

竭力營備鄉里賢之治

長

王世武妻高氏婢也家赤貧鍼帶佐食生有子而世武沒誓志不嫁夫故業賤役諸少年出入無忌而氏性峭厲不輕通一語及寡自防愈嚴無敢窺其門者苦志三十年子早死夫舊有養子依以終老

陽

賈祝妻張氏年二十一祝沒無子女翁且六旬矣爲嗣續計請翁納妾貧不能舉乃商諸母家釀金助成之旣而生子保護甚至親黨交稱之

陽城

監生楊思先妻郝氏早孀侍姑至孝翁失明氏就養左右數十年如一日族有貧者不時周之

河

郝運亨妻李氏夫亡無子撫週歲姪峻山爲嗣及長子婦相繼逝遺襁褓孫三人家赤貧倚紡織以活往往簞登達旦迄

年九旬猶機杼不輟云

鑿石以  
上節婦

侯氏武舉牛斗昱妻姑病百藥罔效刲股進之病旋愈縣官

旌獎

太原  
下同

孟氏陳聖謨妻姑胡患痿痺晝夜扶持親侍湯藥三年如一  
日知縣李應蛟旌其門

郭氏景善繼妻性純孝翁成癩疾氏躬侍湯藥聞里人言久  
病不愈者取至親肉合藥立效因截中指煎之病果痊旣而  
創潰爲翁所知村人以爲奇爭觀之中風腫及臂而死時年

二十三

臨汾  
下同

陳氏喬梓妻奉事舅姑先意承志薄田數畝僅備餽粥氏勤  
績紡以佐甘旨後事繼姑亦如之年九十餘終子宗孟以孝

旌

潘氏董綠雲妻繼姑性悍稍失意詬責立至氏委婉承順能  
得其歡心卒年八十九而諸生張迓衡妻賈氏郝文賦妻李  
氏宋汝楫妻張氏並孝事鰥翁有子女所不逮者

賈氏席瑞妻年十九而孀事翁姑竭誠盡禮及居喪哀毀成  
疾尋卒得正梧妻衛氏翁姑老病侍養及二十年始終不懈  
翁姑沒氏亦以毀卒又孀婦常氏韓鴻妻無子女治翁姑喪  
積勞成廢疾遂不起人均以死孝稱之

曲沃下同

王氏楊建妻翁來鳳嘗遭瘧疾醫罔效乃割其股肉爲食以  
進疾竟愈更閱五年乃卒其後有馬全德妻荀氏監生李紹  
晨妻仇氏李希聖妻嚴氏王凌雲妻袁氏按知事王恩鉅妻  
荀氏並以割股親疾稱孝

楊氏李大業妻大業客久訛傳已死姑老痛念失依氏忍淚

慰之日婦不死必能終養姑無慮也乃日勤織紉每五日輒成匹布鬻之壬申歲大饑氏茹精糠而姑甘旨無少缺人以爲難

段氏王子賓妻姑病醫云需指血入藥氏遂斷指瀝血和藥以進姑得愈邑令熊以愚孝表其門

郭氏貢生李從儆妻姑楊老而失明氏事之竭誠盡力賢孝之聲人無閒言

許氏增生李棟材妻家甚貧奉舅姑時脫簪珥以供甘旨而舉人賈握瑜妻王氏監生許建修妻王氏侍翁姑疾並以善

義稱

仇孝女父帝臣官江都簿女幼讀經史解大義母病醫窮於術割股瘳之家人無知者後歸監生李紹展因育子見疔痕

固詰乃言聞者稱之

丁氏諸生劉佐妻訓導玉書媳也家奴劉寄盜竊懲以法奴  
銜怨欲戕主值佐外出持劍逐玉書氏見之奮不顧身奔奪  
其劍體受重傷幾斃翁賴得免宗黨以孝聞吉州

王氏沈國昌妻有孝行姑疾篤斷指沸湯和藥以進疾尋愈

長治  
下同

董氏郭運昌妻運昌貿易於外氏竭力孝養翁姑備極甘旨  
糟糠自屨及翁姑沒治喪營葬一力支持遇祭祀必誠必潔  
卒年八十三

郭氏武生韓振圖妻事姑孝姑廢疾不良於行晝扶夜伴四  
十年如一日姑年九十六始卒既菴米食難盡化以乳養者  
復八年韓後亦壽躋大耋云



張氏李玉珩妻珩家貧藉篆刻爲生食每不繼氏佐以女紅日所入必營甘旨奉舅姑而已與子女惟屢糟糠又恐舅姑或知重傷其心女流之罕見者也

康氏耆民王璋妻也事姑以孝稱嘗灌園村外一日姑偕往驟遇狼以身障姑相持久之遇救得免姑老患噎日節兒乳吮之尋愈

王氏楊正春妻姑得廢疾晨夕奉侍帶不暇解姑沒夫賈外出未歸貸資以營喪事時稱其孝

張氏自天位妻青年婚居姑廢疾氏扶持毫無倦容

張

荀氏監生王毓秀妻侍姑二十餘年色養甚至姑疾氏食不就席寢不解衣藥餌必親嘗孝婦之名鄉黨稱贊弗衰

陽

崔孝女字香蓮父峻峰諸生女年及笄未字無昆弟母原氏

病女日夜侍不少離母沒一痛幾絕後數日投水死墓

楊氏監生周邦才妻事翁姑婉順承歡姑米疾醫藥罔效氏

焚香祈神暗掖左指穴湯藥以進疾頓愈學使匾旌其門津

王氏原仁靜妻姑患癱不下牀者十餘年氏侍疾未嘗偶倦

姑沒有愛女家甚貧氏體姑意歲入升斗與之平分

段氏附貢生柴薌林妻事祖姑及姑曲意承歡數十年不懈

嘉慶乙丑歲歉推解鄉鄰活人甚眾曾購一婢及笄不字訪

其父母歸之薛萬祿妻毛氏亦善事祖姑及繼姑侍疾居喪

竭誠盡禮

孫氏趙兆斗妻事翁姑孝姑沒翁擢篤疾輾轉牀褥者年餘

間安視膳未嘗少懈暇則勤女幼以佐夫讀年逾八旬不輟

紡織

柴氏袁多材妻多材嘗客他邑氏孝事舅姑婦代子職夫沒家愈貧質釵環奉甘旨自食野蔬

張氏劉希德妻姑抱沈疴氏奉湯藥十餘年無倦姑因多病生幼子欲棄之氏代撫育以至授室賢孝之稱人無閒言

劉氏王朝桐妻幼嫻內則素著賢聲夫幼嗣於叔嗣姑病痿氏侍奉晨昏歷五年不懈霍州下同

喬氏監生邢价妻年十八歸价姑患癱臥牀四年不能食氏以口哺之護持甚至翁姑繼逝哀毀盡禮

賈氏湯燦妻祖母風痺臥牀褥八年代姑侍養扶持抑搔寒暑無怠趙城

耿氏陳三儀妻性至孝姑病值歲祓割股療姑儼盜至氏隻身獨守衛姑禦賊賊感之戒勿犯靈石下同

楊氏宋明金媳也明金貧病不能醫氏割股和羹以進病旋愈

李氏鄭時慶之繼妻十五歲于歸撫前室子如已出姑患癱疾四肢不舉氏朝夕扶持親奉湯藥衣不解帶十餘年如一日閩里咸稱之

以上  
孝婦

謹案各州縣志有賢婦一門者稽其事實仍多節孝因採附卷末其爲前錄所漏列者亦並及焉

山西通志卷一百八十四